

SU'EGA

Su'ega Faito'atasi e Siaki ai le Gutu o le To'ala Fānau

Talofa lava

Na matou tusi talu atu ai nei 'iā te 'oe e uiga i se su'esu'ega 'olo'o va'ava'ai ai i se **sa'ili'iliga fou o le gutu o le to'ala fānau** ('ese mai le su'esu'ega māsani o le gutu o le to'ala fānau) e faigofie lava ona 'e faia to'atasi e 'oe.

Matou te vala'auina 'oe 'e te faia to'atasi se sa'ili'iliga i lou fale. 'Ua 'uma ona lafo atu se pusa ma fa'atonuga, 'atoa ma ni mea e faito'atasi ai le su'ega. E mafai fo'i ona 'e matamata 'i ata viteo su'esu'e i: xxxxxxxxxxxx

'O lau filifiliga 'ato'atoa 'e te faia ai lenei su'esu'ega

'A 'e lē fia faia lenei su'ega e leai se mea 'o iai ma e lē suia ai se mea e uiga i lou ola mālōlōina.

'O nisi nei o saunoaga a nisi o tinā ina 'ua mae'a ona latou faia ta'ito'atasi le su'ega.

'O le vave ia ma le faigofie!

'Ua leva e le'i toe faia se su'esu'ega o lo'u auntie, pe mafai ona ia faia le su'ega lenei?

E lē tatau ona 'e faia lenei su'ega pe'āfai 'olo'o 'e ma'itō, pe sa 'e maua muamua i le kanesa o le gutu o le to'ala fānau, lagona le tīgā o le ivino'o pe tafe fo'i le 'ele'ele, na faia sou su'ega o le gutu o le to'ala fānau talu ai nei, pe 'ua to'esea fo'i le to'ala fānau. 'Āfai 'e te lē o manino i so'o se tasi o mea nei, e mafai ona 'e fa'afeso'ota'ia le Tausima'i o Su'esu'ega mo se fautuaga. (liliu mo au'ili'iliga e feso'ota'i ai)

'O lenei su'ega faito'atasi e na'o le tolu māsina e fa'aaogā ai e fai ma vaega o lenei su'esu'ega.

'A mae'a loa lau su'ega

E mafai ona 'e 'avea 'i le nofoaga e ao ai i le fale su'esu'e, le 'ofisa o lau foma'i, pe fa'aaogā fo'i le 'ato 'avemeli 'ua mae'a ona totogi lenā na 'avatu. 'Ia manatua e lafo 'uma pepa e lua, 'o le pepa o le malilie ma le pepa o le fale su'esu'e. E na'o le su'esu'ega mo le HPV e fa'aaogā ai le su'ega faito'atasi.

I'uga o lau su'ega

E maua le i'uga o lau su'ega i le lua vaiaso. E logoina lau foma'i e uiga i i'uga o lau su'ega. 'A maua le HPV i lau su'ega, e lē fa'apea 'ua 'e maua i le kanesa pe 'ole'ā 'e maua fo'i i le kanesa. 'Āfai 'ua iai le HPV i totonu o lou tino matou te fautuaina 'oe e fai ni sa'ili'iliga e su'esu'e atili ai. E talanoa atu lau foma'i po'o le Tausima'i o le Su'esu'ega 'iā te 'oe e uiga i sa'ili'iliga nei.

Pepa o Fesili

‘Ole‘ā matou fesiligia ni tama‘ita‘i i ni fesili e sa‘ilia ai ni mea ‘olo‘o matou fia iloa mai tama‘ita‘i e uiga i le su‘ega faito‘atasi. E 30 minute e fai ai le su‘ega fa‘atasi ai ma le taliina o fesili.

E iai ni au fesili?

‘A iai ni au fesili e uiga i le su‘ega, po‘o le pusa o mea e fai ai le su‘ega (kit) po‘o pepa na matou lafoina atu, fa‘amolemole e vili mai pe fa‘afeso‘ota‘i mai le Tausima‘i o le Su‘esu‘ega, ‘o **Jane Grant**.

Jane Grant

Telefoni: 021 195 3439 (tesi pe telefoni)

Po‘o le ‘imeli: hpvstudy@waitematadhb.govt.nz

‘Auala e fa‘afeso‘ota‘i atu ai ‘oe

E tāua tele lo matou iloa o au‘ili‘iliga e sa‘o ma manino lelei e uiga ‘iā ‘oe, ‘ina ‘ia mafai ai ona fa‘afeso‘ota‘i atu ‘oe, ma ‘o le mea lena matou te naunau ai ‘ina ‘ia logo mai matou pe‘ā sui.

‘Āfai ‘e te lē mana‘o e fai le su‘ega, e leai se mea ‘o iai ma e lē suia ai se mea tau lou soifua mālōlōina. ‘Ae ui i lea, matou te fautuaina ‘oe e asiasi lau foma‘i po‘o lau tausima‘i e talanoa i ai ‘e te mana‘o e fai sou su‘ega māsani o le gutu o le to‘ala fānau, ‘auā ‘o le siakiina so‘o o ‘oe, e mautinoa ai ni suiga ‘olo‘o tutupu i lou tino e ono maua ai ‘oe i le kanesa o le gutu o le to‘ala fānau.

Fa‘afetai tele

‘Ausu‘esu‘e o le HPV o Su‘esu‘ega Faito‘atasi mo le Gutu o le To‘ala Fānau

